



**Ministarstvo za ljudska prava i izbjeglice  
Bosne i Hercegovine**

Broj: 09-42-2-513-8/19

Datum: 24.04.2019. godine

Na osnovu člana 13. stav (2) Odluke o kriterijima za dodjelu priznanja iseljenicima i organizacijama iseljenika iz Bosne i Hercegovine („Službeni glasnik BiH“, broj 94/18), Ministarstvo za ljudska prava i izbjeglice Bosne i Hercegovine objavljuje:

**JAVNI POZIV  
za dostavljanje prijedloga za dodjelu priznanja  
iseljenicima i organizacijama iseljenika iz Bosne i Hercegovine**

**1. CILJ JAVNOG POZIVA**

Priznanje istaknutim pojedincima u iseljeništvu i organizacijama iseljenika iz Bosne i Hercegovine najviše je priznanje koje se dodjeljuje za izuzetan doprinos u jačanju veza iseljništva s Bosnom i Hercegovinom, s ciljem priznanja dosadašnjeg rada i podsticanja daljnje saradnje s Bosnom i Hercegovinom u različitim oblastima društvenog života.

**2. JAVNI POZIV**

Poziva se iseljništvo iz Bosne i Hercegovine, organizacije iseljenika iz Bosne i Hercegovine, privredna društva, nevladine organizacije, udruženja i drugi pravni subjekat iz iseljništva i Bosne i Hercegovine da dostave prijedloge za dodjelu priznanja iz oblasti:

- a) privrede,
- b) nauke i obrazovanja,
- c) kulture i informiranja,
- d) profesionalnog i amaterskog sporta,
- e) zdravstva i socijalne zaštite,
- f) filantropskih i dobrotvornih aktivnosti.

Iz svake oblasti dodjeljuje se jedno priznanje, bez obzira na to da li se priznanje dodjeljuje pojedincu ili organizaciji iseljenika iz Bosne i Hercegovine.

**3. SADRŽAJ PRIJEDLOGA ZA DODJELU PRIZNANJA**

Prijedlog za dodjelu priznanja dostavlja se na Obrascu prijave za dodjelu priznanja iseljenicima i organizacijama iseljenika iz Bosne i Hercegovine Aneks 1, koji se nalazi u prilogu Javnog poziva, uz dokumentaciju kojom se potvrđuju navodi iz prijedloga.

Prijedlog za dodjelu priznanja sadrži lične podatke o kandidatu, odnosno naziv i sjedište organizacije koja se predlaže i vrstu priznanja. U obrazloženju se navode činjenice i dokazi o radu i angažiranju, postignutim rezultatima i uspjehu na osnovu čega se može odlučiti o dodjeli priznanja.

Pored navedenog, organizacije iseljništva iz Bosne i Hercegovine su dužne dostaviti i Rješenje o registraciji.

Prijedlog suprotan predmetu Javnog poziva neće biti razmatran i isti će biti odbačen.

Sve prijave moraju biti dostavljene na jednom od službenih jezika u Bosni i Hercegovini, blagovremeno i na propisanim obrascu prijave, uključujući sve obavezne dokumente i priloge.

Obrazac prijave mora biti popunjen i potpisan, i ovjeren (ako je podnosioc prijedloga pravna osoba).

#### 4. NAČIN PODNOŠENJA PRIJEDLOGA

Prijedlog se podnosi isključivo putem pošte, u zatvorenoj koverti, na adresu:

**Ministarstvo za ljudska prava i izbjeglice BiH**  
**Trg Bosne i Hercegovine 3**  
**71 000 Sarajevo**  
sa naznakom:

**„Javni poziv za dostavljanje prijedloga za dodjelu priznanja  
iseljenicima i organizacijama iseljenika iz Bosne i Hercegovine“ NE OTVARATI**

Prijave se podnose isključivo na Obrascu prijave kao što je naprijed naznačeno, a koji se nalazi u prilogu Javnog poziva na web stranici Ministarstva: [www.mhrr.gov.ba](http://www.mhrr.gov.ba) i [www.dijaspora.mhrr.gov.ba](http://www.dijaspora.mhrr.gov.ba)

#### 5. KRAJNI ROK ZA PODNOŠENJE PRIJEDLOGA

Rok za podnošenje prijedloga je 21 dan od dana objavljivanja Javnog poziva na web stranicama Ministarstva za ljudska prava i izbjeglice BiH, zaključno sa **15. 5.2019. godine.**

Nepotpuni i neblagovremeni prijedlozi se neće razmatrati.

#### 6. DODATNE INFORMACIJE

Sva dodatna pitanja u vezi Javnog poziva se mogu dostaviti putem elektronske pošte, najkasnije 7 dana do isteka roka za podnošenje prijedloga za dodjelu priznanja, sa jasno naznačenim nazivom Javnog poziva u predmetu poruke, i to na sljedeću e-mail adresu: [iseljenistvo@mhrr.gov.ba](mailto:iseljenistvo@mhrr.gov.ba).

#### 7. OBAVIJEST O REZULTATIMA JAVNOG POZIVA

Obavijest o odabiranim prijedlozima kao i obavijesti o eventualnom odbacivanju ili odbijanju prijedloga će se dostaviti svim podnosiocima prijedloga.

Predvideni indikativni vremenski okvir za okončanje procesa zaprimanja prijedloga je sljedeći:

AKTIVNOST	DATUM
Objavljivanje Javnog poziva	24.04.2019. g
Krajni rok za dodatne upite i pojašnjenja	08.05.2019. g
Krajni rok za podnošenje prijave	15.05.2019. g

  
**MINISTRICA**  
**Seniha Borovac**  
